

Xuana ya Alexandru vivíen cerca de Vizcaya colos sos padres. Estos dos hermanos

siempre fueran mui relixosos, y prometiéran-y a los pás que diben pelegrinar hasta

Santiago en nome de la familia.

Dambos hermanos taben peremocionaos con facer el viax y taben preparando comida pal camín, ropa pa la nueche y perres pa lo que pudieran necesitar.

Xuana taba riñendo a Alexandru porque diba facese-ys tarde:

–Alexandru, ¡apúrate por favor! que nun vamos llegar ni pa dientro dos meses.

–¡Toi acabando de llimpiar les botes Xuana, ya voi!

–¡Venga!

Una vez yá taben llistos, despidiéronse pa entamar el so viax. La má y el pá dexáron-yos ún de los caballos que teníen. Nun yera mui grande, pero diba face-yos más llevaderu'l viax.

Les primeres xornaes asocediéronse ensin problemes: ficiéron nueche en delles posaes. Y pa cuando se decatáron, n'Uviéu.

–¡Mira Xuana, ya tamos n'Uviéu!

–Tenía munches ganas de llegar equí, siempre escuché que yera un sitiü perguapu y nun mentíen.

–Vamos ser como'l Rei Alfonso II – dixo Alexandru tou emocionáu.

–¡Sí, vamos seguir los pasos difuntu Rei!

Xuana y Alexandru siguieron andando pel Camín, y pa cuando se dieron cuenta yá taben en Grau. Namái llegaron, vieron la xente que vivía ellí: mui tranquilamente taba caún nel so trabayu, les muyeres llimpiaben les cases y cuidaben los neños y los homes cuidaben la ganadería ya les colleches.

De primeres nin miraron pa ellos, hasta que dos homes que yeren asemeyaos físicamente, empezaron a avisar a los vecinos que dos forasteros andaben

rondando'l pueblu. Estos dos homes yeren hermanos, Óscar ya Francisco los de Fernando, qu'entre ellos falaben:

–Francisco, ¿quiénes son esos dos que tán ehí?

Nun sé, pero tienen pinta de ser de la nobleza, tan mui bien vistíos.

–¡Hai qu'avisar a lo nuestos vecinos, ¡a ver si nos vienen a reclamar les nuses tierras a

toos!

Los dos empezaron a glayar p'avisar a los vecinos. Al mesmu tiempu, Xuana y Alexandru diéronse cuenta de que taben asustaos y daqué pasaba. El caballu taba mui nerviosu y nun paraba quietu.

–¡Ai, Xuana, esta xente quier atacanos! – gritó Alexandru.

–Non home, non, tán asustaos porque somos forasteros. Quiciabes podríamos falar con dalgún pa explica-yos pa ónde vamos ya entruga-yos si hai dalguna posada. Yá ta atapeciendo y entá nun sabemos nin ónde dormir.

–Val, pero nun sé si sedrá bona idea.

Los vecinos taben nes sos cases escondíos mirando dende la ventana disimuladamente. Los únicos que taben fuera yeren los hermanos con una estaca na mano, dispuestos a defender les sos tierras y les de los vecinos.

Demientres Xuana y Alexandru acercábense lentamente coles manes n'alto pa face-yos entender que nun diben facer nada malo. Entoncies Óscar entrugó-yos:

–¿A qué ye a lo que venís? Marchái ya, nun vos queremos equí.

–Si nun marcháis, doivos con esta estaca na cabeza – dixo Francisco.

Xuana tentó de calmalos.

–Non, non tranquilos. Venimos de Vizcaya pelegrinando a Santiago, pa ver la tumba del apóstol – respondió Xuana.

–Y pa facer la ruta igual que'l rei Alfonso – siguió Alexandru.

–¿Enserio? ¿Nun venís a reclamar les nuses tierras? – entrugó Francisco.

–Non home, non, solo tamos de pasu y queremos una posada pa pasar la nueche nesti pueblu – respondió Xuana.

Miraron un pal otru y faloron bien baxo pa que nun los entendieren.

–Podéis quedavos na nuesa casa, na única posada qu'hai güei nun queda sitiü – respondió Óscar –. El caballu pue quedar na cuadra cola nuesa vaca.

–El suañu del nusu pá Fernando siempre foi facer el Camín – continuó Francisco – pero al final llevólu la enfermedá enantes de poder facelu.

–Los nuses pás tamién nuguaben por facelu, pero por delles cuestiones nun pudieron, asina que mandáronnos a nós.

–Bono, cuando volvamos podemos pasar per equí pa contavos como ye too con detalle – dixo Xuana.

–Gracies por dexanos pasar equí la nueche.

A la mañana siguiente, namás que'l sol entamó a riscar, tolos campesinos empezaron a trabayar. Xuana y Alexandru despidiéronse y diéron-yos otra vez les gracies pola so hospitalidá. Los hermanos dixéron-yos que taben nuguando por que volvieran pa contayos como yera aquello.

Xuana y Alexandru siguieron el Camín coles enerxíes renovaes pa facer la siguiente

xornada del Camín primitivu. Diben mui bien, hasta que poco enantes d'aportar la nueche, Alexandru enganchó una pierna nun furacu. Cayó pal suelu, y pol dolor que tenía, pensó que la tenía rota.

–Pero, ¿cómo ficisti pa cayer?, ho – dixo Xuana esmolecida.

–Ai, Ai, pero vas tener que buscar ayuda porque paez que nun voi poder caminar.

–Val, vuelvo agora.

Xuana montóse nel caballu y miró a los alrededores y decatóse que taben cerca del

Monasteriu de San Salvador, onde pasaba los branos la famosa infanta Cristina, asina que foi ellí a pidir ayuda a dalguén. Taba segura qu'ellí diba haber xente.

Mientras, Alexandru seguía tiráu nel suelu, medio inconsciente pol dolor de la pierna.

Apaecieron tres homes vieyos coles mesmas túniques negres, con un sobrepelliz, una capa y un vimete: yeren monxos. Averáronse a él y escuchábalos falar:

–Mirái a esti home – dixo ún dellos.

–Ramón, hai que lu ayudar, nun pue movese – respondeu otro d'ellos.

–Si, vamos por él – dixo'l terceru.

Alexandru taba mirándolos con mieu demientres s'averaben.

–Nun me llevéis, nun quero pertencer a lo vuesa secta satánica – gritó Alexandru asustáu.

–Ai dios, lo que ta diciendo, nun sedrá un herexe – dixo un presinándose.

–Somos monxos cristianos del Monasteriu. Tamos acabante vete tiráu y vinimos a ayudarte.

–Mentira, mirái como vais vistíos, vosotros nun adoráis a Dios.

–Que non, home, ye pol golpe polo que pienses eso, debes tar alloríáu.

Alexandru desmayóse pola calor y polos nervios, asina que decidieron llevalu pal

monasteriu pa curalu y da-y de comer y beber. Al empar, Xuana taba llegando pal monasteriu cuando s'atopó con cuatro muyeres mui bien vistíes: llevaben ropaxes caros, tocaos y velu. Una d'elles tenía una corona suxetando'l velu. Entós Xuana decatouse que podía ser la infanta y les sos donceyes.

Decidió averase a una de les donceyes pa pidir ayuda, non sin enantes posase del caballu y presentar los sos respetos a la infanta.

–Bonos díes, vengo a pidir ayuda: el mio hermanu cayó y mancóse nuna pierna enantes de llegar equí. Nun ye a caminar – dixo Xuana desesperada.

Una de les donceyes miró pa ella y enantes de responde-y entrugó:

–¿Quién sois? ¿Qué fai una muyer sola per equí?

–D'ónde venís – entrugó entós otra de les donceyes.

–El mio hermanu y yo vamos camín de Santiago, ayeri ficimos nueche en Grau y güei

díbemos ensin problema hasta que cayó y se mancó.

Entós la infanta miró pa ella y faló-y.

–Yo tamién lu fici con mio pá y prestóme muncho.

–Yo quiero dir, si l'añu que vien me das permisu, prestaríame facelu – respondió una de les donceyes.

–Voi mandar a dalguién a ayudar al to hermanu y trayelu equí. Carmen, llama a los

monxos y da-yos les señes d'ónde cayó.

Los monxos y les donceyes fueron acompañaos de Xuana hasta onde cayera Alexandru, pero nun taba ellí. De primeres asustáronse, pero al poco oyeron les voces de los otros monxos llamándolos dende un caleyu, que llevaben a recostines a Alexandru desmayáu.

Al llegar pal monasteriu, los monxos tumbaron nuna cama de los sirvientes a Alexandru y diéron-y aire pa ver si asina despertaba. Demientres ún de los monxos-y inmovilizabay la pierna, Xuana tuvo comiendo y bebiendo cola infanta y les sos donceyes.

El monxu averóse al grupu de muyeres a dici-yos como taba Alexandru.

–Nun tenía la pierna rota, solo taba movida. Ya la tien colocada y de xuru que se-y va deshinchar en un día o dos.

Quedaron nel monasteriu otres dos nueches. Diéronse cuenta de qu'Alexandru tovía nun podía andar mui bien ensin sentir dolor, y Xuana disgustóse mucho. La infanta, conociendo la situación díxo-yos:

–Nun vos preocupéis, voi davos un de los mios caballos pa que tengáis dos y nun tengáis problema pa seguir el Camín.

Los dos hermanos agradeciéron-ylo mucho. Asina dambos aportaron a la tumba del Apóstol ensin nengún contratiempu más. A la vuelta yá nun taben la infanta y les sos donceyes, pero si que pudieron contar a Óscar y Francisco cómo-yos foi'l viax.

Cuando llegaron a casa, la familia nun yera a creyer lo que-yos pasara, y entá más que conocieran a la infanta.